



19. Oktober 2011

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

1. **Suungiffimmi piniartartut tuttunniarsinnaanerit ukiunut siuliinut sanilliullugu qaammammik ataatsimik sivikillineqarsimanera, naammattunik tuttoqannguatsiaraluartoq, sumik peqquteqarpa?**
2. **Naalakkersuisut isumaqataanerlutik, piniarneq ukiut siuliitulli annertutigisariaqartoq, biologit innersuussinerat aamma taamatut nipeqarsimappat?**
3. **Naalakkersuisut piniarsinnaanermut piffissaliussisimanermik aaliangersimaneq nallersoqqikkusussanerlugu, biologit innersuussinerat imaassimassappat ukiut siuliitulli piniartoqassasoq?**

(Inatsisartuni ilaasortaq Niels Thomsen, Demokraatit)

Tungavilersuut:

Piniarneq kulturitsinni pingaaruteqarluinnartuuvoq. Nunaqqatitta akornanni nassaaruminaassagunarpoq tuttunniarsinnaanissamat umimmanniarsinnaanissamullu qilanaartanngitsumik. Ajoralu-artumik sunngiffimmi piniartartut piniarsinnaanissaannut piffissaliunneqarsimasoq sivikitsuaraavoq, tamannalu tupigusuutigisupilussuara, inuussutissarsiutigalugu piniartartunut piniarsinnaati-taaneq sivilunerujussuummat. Peqatigalugu ilisimasakka malillugit takussutissaqarsorinangilaq tuttoqassuseq imaluunniit umimmaqassuseq ulorianartorsiortoq - killormulli.

Ataasinngornermi oktoberip 17-ianni KNR-mi paasinarsivoq, Kangerlussuarmi umimmaqassuseq affaannanngortittariaqartoq. Tamatumunnga peqqutaalluni amerlassuseq ima annertutsigilersimammatt umimmappassuarnut naammattumik nerisassaqaarunnaarluni kiisalu navianarsilluni, umimmaat tuttu nerisartagaannik nerisalernissaat.

<http://knr.gl/da/nyheder/der-er-mange-moskusokser>



Tamanna tunngavigalugu eqqumiippoq, sunngiffimmi piniartartunut piniarsinnaatitaaneq ukiut siuliiniit sivikinnerusoq.